

**Uunga siunnersuut:****Piniarneq aallaaniarnerlu pillugit Inatsisartut inatsisaata allanngortinnissaa pillugu  
Inatsisartut inatsisaat**

(Akiliisitsilluni aallaaniarnermik aaqqissuussisartunut najugaqartussaataaernermut piunasaqaatip ukiunit marlunniit ukiunut tallimanut sivitsorneqarnera kiisalu akuersissummik qinnuteqarnermi immikkut ittumik akuersinissamut malittarisassat nutarneqarnerat, kiisalu akuersissummik qinnuteqarnermi immikkuullarissumik najugarisaq pillugu uppersaasiinissamik erseqqissaaneq)

**§ 1**

Piniarneq aallaaniarnerlu pillugit Inatsisartut inatsisaanni nr. 34, 13. juni 2023-meersumi tulluuttut allanngortinneqarput:

**1.** § 16 kingorna ikkunneqassaaq:

” § **16a.** Inuit Kalaallit Nunaanni akiliisitsilluni aallaaniarnermik aaqqissuussisartut nammineersinnaassuseqassapput, aamma:

- 1) kalaallinut inuiaqatigiinnut aalajangersimasumik attuumassuteqassapput,
- 2) Kalaallit Nunaanni najugaqartutut inuit nalunaarsorsimaffianni nalunaarsorneqarsimassapput ukiunilu kingullerni tallimani taamatut inissisimasimassallutik,
- 3) Kalaallit Nunaanni tamakkiisumik akileraartartussaataaassapput, ukiunilu kingullerni tallimani taamatut inissisimasimassallutik.”

**2.** § 10 imatut oqaasertalerneqassaaq:

” § **10.** Naalakkersuisut immikkut akuersissuteqarsinnaapput:

- 1) §§ 7-9-mit aamma § 16a-mit pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat, qinnuteqartup Kalaallit Nunaannut attuumassuteqarnera naammaginatutut nalilerneqarpat,
- 2) § 7, imm. 1, nr. 5-mit aamma § 8-mit, inunnut manna tikillugu inuussutissarsiutigalugu aalisarnermik, piniarnermik aallaaniarnermillu pingaarnertut inuussutissarsiutitit ingerlatsisimanngitsunut,
- 3) § 7, imm. 1, nr. 5-mit aamma § 8-mit, isertitat amerlassusissaat pillugu piunasaqaatit eqquutsinneqannginnerinut pissutsit immikkut ittut sunniisuusut atuussimanerat uppersarneqarsinnaappat,
- 4) § 7, imm. 1, nr. 5-mit aamma § 8-mit, inunnut siusinnerusukkut inuussutissarsiutigalugu aalisarnermik, piniarnermik aamma aallaaniarnermik pingaarnertut inuussutissarsiutigalugu ingerlaqatarsimasunut, tamanna piniarneq pillugu qarasaasiatigut digitalikkut toqqortaatinut uppersarneqarsinnaappat, aamma

5) § 7, imm. 1, nr. 4-mit, inunnt 18-it inorlugit ukiulinnut piniarnermut aallaaniarnermullu atortulersuutini pisariaqartunik pigisaqartunut sunngiffimmilu piniarsinnaanermut atuuttumik allagartalinnut.

**3.** § 13, imm. 7, imatut oqaasertalerneqassaaq:

*"Imm. 7. Piniakkanut pisassiiffiusartunut akuersissut aamma inuussutissarsiutigalugu piniarnermut akuersissut piumasaqaateqarfiusinnaavoq, inuk pineqartoq akuersissummik tunniussisoqarnissaa sioqqullugu aqutsiveqarfimmi qinnuteqarfiusumi, inoqarfimmi inuttunerusumi inukinnerusumiluunniit, sivikinnerpaamik qaammatini pingasuni ataavartumik najugaqarsimassasoq."*

## § 2

Inatsisartut inatsisaat 1. januar 2025-mi atuutilissaaq.

*Imm. 2. Inatsisartut inatsisaata atuuttunngornissaa sioqqullugu unioqquitsisuunngitsumik pissarsiarineqarsimasut, akiliisitsilluni aallaaniartitsinnaanermut akuersissutinut Inatsisartut inatsisaat atuutinngilaq.*

Namminersorlutik Oqartussat, ulloq xx.xx. Xxx 2024

Naalakkersuisut Siulittaasuat